

高淳縣鄉土志

民國癸丑
年印行

地 220.23
539

= 1

高淳縣圖


東北溧水縣界

西北當塗縣界

正西當塗縣界

西南宣城縣界

正南宣城縣界



東南建平縣界
 淳地東
 西長八
 十里南
 北長五
 十里東
 北地高
 多山西
 南地窪
 多水其
 形殆如
 蚌然試
 圖如上

例言

一是書係奉京師編書局頒發例目編輯故悉遵照歷史地理格致三科內例目十五條攷查編次大致取之縣志證以近日見聞依類序列其例目所未及者概不攔入

一是書既名鄉土志自應止就本邑事實編次因斷自分縣以後其未分縣前有關本縣事實者亦略詳一二至他縣事及荒遠難稽之處則概從略焉

一是書專爲小學教科而設本應求合近時教科各書體裁第分課類編必多硬爲割截反致詳略失宜故止就事直書以

高淳縣鄉土志

例言

期簡明之中不失疎漏而雅俗分際亦頗費經營焉

一韻言本非例目有所緣也尊李公肖鶴論商及此意取童蒙便讀因思詩言志歌永言葩經三百篇悉資後人諷誦今之教科亦設唱歌一門故每類綴以韻言若干句惟總期不失啟發童蒙知識以鼓動其愛鄉土愛君國之至意

高淳縣鄉土志

吳壽寬敬身氏纂輯

歷史科

建置

高淳舊本爲鎮屬溧水縣地前明宏治四年始分爲縣未置本境以前唐虞夏商周時屬揚州春秋時吳築固城爲瀨渚邑固城高淳地也後移瀨渚於陵平山名陵平楚取之更名平陵敬王時復屬吳元王時屬越顯王時復屬楚秦始皇時定鄣郡始置溧陽縣屬之

漢武帝時改鄣郡爲丹陽郡孫氏據有江東遂仍其舊晉初亦

高淳縣鄉土志

歷史

一

仍之後改屬義興郡尋還丹陽宋齊梁陳並仍之

隋初廢丹陽郡置蔣州析溧陽及丹陽故地改置溧水縣屬焉煬帝時仍復丹陽郡唐高祖時置揚州溧水縣隸焉後移揚州於宣州溧水改隸宣州肅宗時屬江甯郡後屬昇州吳宣王時改昇州爲金陵府南唐時改爲江甯府溧水均隸焉

宋太祖時復昇州真宗時仍改爲江甯府高宗時改建康府元成宗時改溧水縣爲州隸建康路明帝時改建康爲集慶路明太祖洪武初改集慶路爲應天府溧水仍改爲縣孝宗宏治四年始析置高淳縣屬應天府

國朝順治二年改應天府仍爲江甯府屬縣亦仍其舊蓋未分縣以前幅幘分合州邑改移沿革之際變故多矣自有縣來井里依然山川無恙雖以咸豐間兵燹而元氣旋復生息自繁豈非吾淳之幸福哉

建置韻言

高淳縣境本溧水地未分縣前頗經建置溯自唐虞歷夏商周淳祇一鎮地屬揚州迨春秋時吳國始立爰築固城爲瀨渚邑後移瀨渚名稱陵平爲楚所取更名平陵忽又屬吳未幾屬越楚復有之幾經歲月迨秦始皇始定鄣郡置溧陽縣

高淳縣鄉土志

歷史

二

淳仍名鎮 漢武帝朝鄣改丹陽溧陽縣屬亦如其常厥後孫氏踞有江東遂仍其舊晉初亦同後屬義興尋還丹陽宋齊梁陳均無更張 隋廢丹陽改置蔣州置溧水縣厥名始留煬帝卽位仍復丹陽越啓高祖州仍稱揚後將揚州移於宣州溧遂改隸入宣州收肅宗以來屬江甯郡後屬昇州界亦無紊吳宣王時改州爲府名曰金陵蓋有取南唐繼之府稱江甯溧仍縣屬無失前型 宋初昇州名仍復古真宗改之稱江甯府嗣後高宗改名建康一府名號已三改良迨元成宗溧改爲州隸建康路地亦相繼後改建康更名集慶

蓋自明帝重爲審定 越明太祖定鼎御宇改集慶路爲應天府溧復爲縣往制仍循宏治四年乃分高淳 國朝以來一統大清改應天府仍江甯名溧淳分縣隸仍其故千百年來金湯乃固要而言之淳本僻壤未分縣前變更頗廣自分爲縣乃定版圖雖經兵燹困亦旋蘇咸同以來久登衽席庶幾頻年永沾利益

政績

淳自分縣以來官吾土者多矣政績亦何可勝紀然大要亦不過興利去害以及聽訟諸大端其沒世不能忘者固昭昭在人

高淳縣鄉土志

歷史

三

耳目也試就其最著者言之

前明嘉靖朝縣令胡公儒捐俸賑飢悉停征歛隆慶朝鄧公楚望丈田均糧盡剔奸弊萬曆朝董公岐鳳爲各圩請帑銀脩築並買常塗湖灘築遮浪埂以捍南蕩等圩唐公登儁脩築長埂遠近利賴稱唐公隄 國朝乾隆初縣令欽公連於韓城韋家港等處捐貲疏濬以廣水利邑故不善蠶事公市穉桑教民樹插而蠶利始興趙公之璋創設書院於小甘村而文教始振道光初許公心源移建書院於學山而經費課程益以大備同治初包公家丞於兵亂後招集逃亡請發銀兩以貸貧戶而民間

始漸復業光緒初陶公在銘貸民錢重築廢圩四所民感其德稱陶恩圩並捐廉添設尊經書院此皆興利之尤者也

嘉靖初縣令劉公啟東憫涇民養馬之苦與鄰境宣城爭議斷還馬場田六千餘畝而民賴以安嘉靖末李公德望憫官田賦重民困徭役乃立五段錦法以調劑之而民始稱便方公沂於被水之鄉盡蠲里役並代糴漕糧薛公夢李捐俸僱夫以代民役萬曆時趙公瑄以奸胥慣侵大糧遂置之法一時宿蠹頓清天啟時莊公鐸以涇虛糧賠累幸邀永折時借徵本色三年乃爲懇請上合力爭改折之議崇正時方公廷焄復爲盡誠哀籲

高淳縣鄉土志

歷史

四

得允半折 國朝順治初崔公掄奇復力請上官始得永遠改折康熙年間李公斯佺嚴絕蠹猾吏科勒索民等弊張公象翀於士民控革里排力爲陳請而民害遂以永除道光朝王公檢心因涇民好興神會大半淫祀糜費非輕乃痛革之同治年間秦公會熙以涇邑虛糧之累由明至今數百年屢次叩闕未遂恩准遂力請大憲入告卒奉 俞允得幣錢三萬緡而民累乃以大紓此皆去害之尤者也

至於聽訟之稱善者如宏治朝縣令熊公吉勵精撫字剖決如流萬曆朝項公維聰宋公祖騰明於治獄勤政惠民陳公璧李

公允任廉愛交推案無滯牘崇正朝周公光霽馭下肅清獄訟
平恕 國朝康熙初張公大垣造士有方枿楊無濫乾隆初梁
公欽秉性明敏每聽斷觀者林立隸逐之公曰吾奉法無私正
須千人皆見何逐爲嘉慶朝霍公來宗道光朝錢公德承均能
慈惠廉明頌聲載道光緒初袁公樹勛治事最勤尤善聽訟民
多感化李公普潤蒞涓最久善政多端於制御教民創懲幫匪
最爲得法民間尤陰受其福徐公樹鏗聽斷明決捕盜尤勤
至教佐中之有惠政者前明正德間教諭干公鳳相置祭器於
昏喪乖制者誨之使改 國朝康熙間柳教諭加恂施訓導麟

高淳縣鄉土志

歷史

五

瑞均善培士類學中爲立去思碑明萬曆朝典史詹應楨於地
方利病多所興除雖任干陬不失儒雅後卒垂橐而去此皆政
績之彰彰可紀者宜吾涓於此數公多尸祝而俎豆之乎

政績韵言

官吾涓者孰多政績分縣以來數難歷歷試披志載繼以見
聞舉其大要與溯功勳政之大要孰爲最重興利去害以及
聽訟蒞涓諸公次第舉行自明迄今遂垂政聲○明嘉靖時
縣令胡儒捐廉助振悉絕征誅迨隆慶朝鄧公楚望丈田均
糧剔奸允當及萬曆時董公岐鳳脩堤蠲灘大施作用並有

唐公築埭傍溪萬民利賴稱唐公隄 國朝乾隆有欽公連
勤開水道創闢桑田趙公繼之於小甘村創設書院文教始
敦迨道光初許公心源移之學山更闢庭垣多士沐教遺澤
常存同治初年兵亂甫定包公家丞德能靜鎮招集流亡發
銀贍賑民用資生乃漸克振陶公在銘時當光緒督築廢圯
貨錢多許名以陶恩民皆歡語書院添設士尤鼓舞之數公
者興利爲最請更進之再徵去害○方嘉靖初劉公啟東憫
民養馬爭及鄰封斷還馬場卒解困窮迨嘉靖末李公德望
官田賦重民多苦况設法調劑民情乃暢方公薛公後先繼

高淳縣鄉土志

歷史

六

至役不擾民遂皆拜賜趙公瑄者當萬曆朝置奸於法宿蠹
頓消莊公鐸者當天啟時虛糧賠累永折有時猶征本色民
力難支公爲力請讜議堅持至崇正時方公陳說哀籲上峯
僅允半折迨入 國朝崔公掄奇復請改折民以不疲李公
斯佳當康熙年猾吏科勒弊乃永蠲亦有張公痾瘵在懷邑
中士民控革里排公爲力請事乃得諧迨道光朝王公檢心
築民淫祀風厲羣欽惟是虛糧累猶在民同治年間亂後益
貧秦公會熙下情痛陳卒蒙 俞允幣三萬緡紓此大累千
古罕倫○至若聽訟素推稱職在明宏治有熊公吉撫字素

深剖決得實至萬曆朝項宋二公政勤獄清民樂服從陳公李公先後接蹤並稱廉愛善政亦同迨及崇正周公光霽清慎平恕更能剔弊 國朝以來康熙之初張公大垣澤沛下車重教恤刑惠洽比閭乾隆初年有梁公欽明於決獄觀者如林隸或驅逐公發德音謂吾執法一私無侵正須大眾咸見吾心嘉道兩朝若霍若錢並號廉明遺愛交傳光緒初年袁公樹勛善理民事折獄尤勤李公普潤相繼來此撫字有年政多可紀制御教民創懲刑匪法立令行厥功尤偉徐公樹鏗明斷如神勤捕盜匪諸務作新是皆循吏父母斯民○

高淳縣鄉土志

歷史

七

他若教佐德能服眾前明教諭有干公鳳 國朝教職若柳若施並留教澤不愧人師典史詹公前朝小官廉能夙著尤人所難以上諸公皆所羣推口碑載道留去後思吾民之幸後任之師千秋俎豆亦固其宜

兵事

我朝鼎革之初縣丞歸附王師殆如時雨而亂兵蹂躪亦間有之邑之長蘆等處被禍爲較甚焉自是二百年來民生不見兵革久矣道光末粵氛始熾咸豐三年十月間敵由太平府水路到瀆盡被我兵擊退得以無事

四年七月敵由蕪湖到涇旋往東壩數十里內各鄉村均被其擾後被傳統領兵擊敗而逃六年六月敵由東壩來踞涇城滋擾兩月餘聞大兵到而逃十月間敵到水陽我兵迎戰失利敵直撲至襟湖橋卡經知縣楊成忠帶勇堵住而回十年三月敵由建平攻東壩遂踞涇城焚擄數日復下令安民餘眾仍不時下鄉索詐折毀祠廟房屋無算永成鄉起義兵固守要隘卒以眾寡不敵六千餘男婦盡被聚而殲焉敵勢用益猖獗踞涇遂及四年

至同治二年十月間彭部憲兵到偽王宗授誠鮑軍門亦收復

高淳縣鄉土志

歷史

八

東壩涇城內外復經兵勇駐紮直至五年兵勇撤盡民始各回家安業今則承平已四十餘年生息日滋休養而保衛之是所望於留心時事者矣

兵事韻言

興朝之初縣丞歸順民迎王師殆如雨潤前明遺黎間或蹈鸞長蘆等處多罹兵刃自時厥後二百年來兵革不擾民久無猜迫道光末粵亂始萌咸豐三年敵由太平來被擊退得以無驚○四年七月敵由蕪湖旋赴東壩擾及多區被傳統領盡擊而驅六年六月敵由東壩來踞涇城兩月乃罷十月

復到我兵稍撓敵遂直撲抵襟湖橋縣令楊公夙負戎韜帶
勇往堵敵始奔逃○十年三月敵由建平復攻東壩遂踞瀘
城焚擄多日下令安民下鄉仍擾折屋無垠時永成鄉羣起
義勇六千餘人扼要邊隴固守多時非不堅重卒被聚殲幾
無遺種敵勢愈猖踞瀘四載恢復無期大勢幾殆○天不棄
民敵餒將歇迨同治朝二年十月辰沙彭公親秉節鉞爲王
授誠立清巢窟東壩收復由鮑軍門兵駐瀘城遂固籬樊直
至五年盡撤兵屯民始安業樂我田園今則承平四十餘載
長治久安責還自在

高淳縣鄉土志

歷史

九

耆舊

信邑鄉賢自分縣以來事業懋昭學問卓著實有可紀詳載邑
乘者不下千百人試錄其尤爲膾炙人口者

前明韓進士叔陽仕浦江令歷嚴州守均有建畫多惠利記爲
名宦後擢湖廣副使不赴歸家置義田以贍族建義倉以贍鄉
遺惠至今存焉子邦憲亦進士少有孝行居喪盡哀區畫本邑
田糧悉成良法後爲衢州守遺愛在民祀衢名宦魏進士成忠
歷官至廣東瓊州道山西按察使戢盜詰奸政聲懋著綠闥福
方熾遂卽歸隱嘗自織蘆號蘆隱先生陳進士萬善由縣令歷

官至部郎政績丕昭時逆璫方熾萬善曰不附逆璫不能安身
附逆璫且不能安子孫遂絕意仕進居家惟以成就後學爲念
著理學禪說諸書 國朝陳進士悅旦事繼母色養備至並友
愛昆季弱冠卽淹貫經史著有樂在堂詩古文集歷官內閣撰
文中書杭州司馬衢州知府所在潔已愛民並有惠政張進士
自超天性純孝積學能文少失怙不樂仕進奉七旬老祖二十
餘年養孀母吳氏四十載生事死葬莫不盡禮陶鎔後進聲譽
日隆後主浙江萬松書院從游者尤爲稱盛生平著述甚富今
惟春秋宗朱辨義一書行於時他如葛黃裳之官河南孫奏之

高淳縣鄉土志

歷史

十

官台州孫謙之官刑部王傑之官禮科王孚之官福建劉朝講
之官湖廣楊純伯之官四川張必新之官陝西孔毓儀吳銓之
官直隸邢振岳葛長祚陳秉德之官浙江陳淇陶汝霖之官山
西類皆儒素出身循聲卓卓而諸秉鉞以平三藩功官至總兵
孫如雲以攻湖州城功官至參將皆以武烈著名卞長勝以靖
粵氛功官至直隸營務處光緒庚子拳匪之亂開釁外洋力戰
受傷遂以殞命尤卓然稱名將焉

若夫諸生中關心時事有功於一邑者如吳偉丁煒孫范谷淮
於康熙年間念漕邑里役苛索之患戶或罄所有以償仍不免

鞭扑坐是傾家者歲以百數計偉等既身其壽遂相約陳言大吏自鬻產以周其用忍辱履危歷十餘年始得剔除殆盡而韓錫光亦以前明一諸生與先達王薇徐一范力請漕糧永折貽惠地方非淺溥民德之至今並俎豆於遺愛祠旁

至若以孝行著則前明若史元八若谷蒞皆能生盡其養沒盡其哀楊師祿遇兵亂身代父死湯之尹籲減已年以延父算國朝則吳學萊吳運鎮父子雙孝矣胡彭胡宏瑗兄弟雙孝矣連鎮族人吳允茂吳康甯亦父子雙孝矣且也孝友並著則自苦邢復升趙近涿周庖曹永廉蔣襄培孫捷孝義兼敦則有若

高淳縣鄉土志

歷史

十一

史正謙吳震陽吳鳴光丁淑許士宗夏餘達而花梓孝子乃以一樵夫孝而且介並不以姓名傳他若吳壽南救父受刃劉夢膏萬里尋父陳九澤貸錢供父李以綱行備養母以及唐九來孔興伯趙經遠施龍魏臚張琬夏灝齡吳文錦濮陽樂魏重熙等以孝稱者尙百十人

義行卓出當首推陳義士翥於開縣基時術者謂首事人當傷翥乃自以身禱竟捐其軀後卜地建學翥墓地與吳嘉珉地同捐另遷稱雙義焉其他篤行好義如夏匡靖之力却奔婦何邦模之保全難民孔傳煜之見義勇爲黃揆之能處患難邢繼康

甘繼棟之加惠本宗葛美瑀宋公庭之拯人窘急俞鋒沈殿朝之急公尙義葛廷簡陳悅忠之輸粟振飢吳古懷湯之孫之篤念舊交邢昉趙彝吳越彥之全身高隱而史鳴直史允甲劉繼良劉勳之父予好施唐明德唐明學邢邦達邢邦華之兄弟好善邢之鵬及子本姬本岐本稷孫復易復昕復昭李生勅及子大年孫有羣好行其德且三世濟美焉是皆一邑所矜式之人也

至於博學工文富有著述則前明明谷再吉之五經纂要周禮注地輿九邊圖孔貞慎之春秋闡微史綱私議 國朝孔尙熹之

高淳縣鄉土志

歷史

十一

經史大成孫虬之六經解義苒城之易繫圖義劉開槐之易經纂要陳實穎之周易輯解吳本周之易義精言史褒之周易補義吳球之經解詳辨書經精華蔣珍之詩經精義唐階之周禮注疏苒作舟之小學折衷張韶之天算譜法楊雨森之保產摘要以及谷起鳳陳肇諱光滄史位三田萬清童良杰輩亦各有文行以著作名於時惜梓本少耳

忠烈性成臨難不屈則前明崇正朝邢仕礪任南康縣簿苒珂任六安州守備均於鼎革時城陷殉節 國朝咸豐粵事之變徐綸庚任江浦外委杭一清辦本邑團練亦均力戰拒敵兵敗

陣亡而從容投水之歲貢史褒大罵被殺之歲貢邢上森率眾
殺敵卒死敵手之監生卞登芳武生趙彥賓耆民趙必球若此
類尤指不勝屈涇雖小邑殆已作者如林先正典型孰非後賢
模範乎

耆舊韻言

涇邑耆舊志載堪憑立功建業博學多能凡若此類徵不勝
徵試擇其尤類舉而稱○前明進士如韓叔陽仕歷守令惠
一方歸念故里義田義倉至今遺澤永被家鄉子亦進士
厥名邦憲孝篤於家蔭庇及縣出守衢州民皆感戀祀爲名

高淳縣鄉土志

歷史

十三

宦馨香永奠魏公成忠官至臬司善治奸盜名震當時避閹
禍歸織蘆自怡自號蘆隱淡懷堪師陳公萬善官至部郎政
績頗著羞附逆璫遂絕仕進圖史滿堂著書立說作式一鄉
國朝進士陳公悅曰孝事繼母友亦堪讚樂在名堂著作淹
貫歷官太守惠政式煥張公自超學通經史純孝夙稱性不
樂仕事祖及母歷時數紀著作等身型式多士由此類推葛
孫諸公或登甲榜或乙榜終多官外省亦有京官名儒名宦
政悉可觀若諸秉鉞耆孫如雲皆以武功先後著聞卞公長
勝奇才獨出力抗洋兵節尤足述○若諸生中盛烈堪懷吳

偉丁煒孫范谷淮常康熙時里役事乖戶多蕩產冤獄沉埋
偉等奮起眾議力排卒除積弊垂賜無涯韓君錫光亦一諸
生偕王與徐爭於前明漕糧改折貽惠非輕民並德之報以
醴牲○孝行素稱若史若谷盡養盡哀天懷獨篤身代父死
顛延父算若楊若湯更堪嗟歎父子雙孝前後四吳兄弟雙
孝則有二胡邢趙諸君孝友兼能史吳諸君孝義並稱花弄
孝子以一樵夫孝而且介名姓俱無此外稱孝人尙多有或
則救父白刃甘受或則尋父萬里奔走或貸或傭以供父母
吳劉陳李以及諸人尙百十數未易悉陳○義士陳翥當開

高淳縣鄉土志

歷史

十四

縣基以身殉邑捐軀不辭厥後卜地建學有期與吳嘉珉墓
地同移此其高義百世殆希其他行義夏何諸君立身守潔
處世全真深情念舊大力拯貧惠周宗黨望重鄉鄰均稱善
士表式人羣更難得者家多善人史劉唐李以及諸邢父子
兄弟若刑若孫世濟其美罕與比倫○至若學子夙多著述
經史小學天算醫術前明及今作者輩出成一家言書牘多
軼○仕不負君忠義壯厲著節前明有邢有芮 國朝咸豐
粵事之變若徐若杭舍生力戰史邢諸人分屬士民亦皆殉
難節義同伸清之先哲若此如林後賢有作當共仰欽